

Ein hymrwymiad i chi

Pleser mawr yw cyflwyno ein Hadroddiad Blynyddol ar gyfer 2005 – 2006. Roedd y llynedd yn flwyddyn arbennig o heriol i CPS Gwent. Erbyn hyn fe fyddwn yn cynghori'r heddlu cyn cyhuddo heblaw yn yr achosion lleiaf un, ac rydym wedi parhau i ofalu am dystion a dioddefwyr drwy gydol proses y llys ar ôl cyhuddo.



Hoffwn ddiolch i holl aelodau staff CPS Gwent am eu dyfalbarhad dros y 12 mis diwethaf. Maen nhw wedi parhau i wella lefel y gwasanaeth i'r cyhoedd. Mae'r adroddiad hwn yn egluro hyd a lled y gwaith o fewn CPS Gwent. Rydym yn edrych ymlaen at egluro ein gwaith yn llawnach i'r cyhoedd yn y lluo o ddigwyddiadau cymunedol y byddwn yn eu mynychu yn ystod 2006 – 2007.

Chris Woolley,
Prif Erlynydd y Goron Dros Dro
CPS Gwent
6ed Llawr, Tŵr-y-Siartydd
Heol Uchaf y Porthladd
Casnewydd
Gwent NP20 1DW

Diogelwch yn y cartref i chi

Bydd **1** menyw mewn **4** yn wynebu trais yn y cartref rywbryd yn ystod ei hoes.

Bydd **2** fenyw yn cael eu lladd bob wythnos gan bartner presennol neu flaenorol.

Mae trais yn erbyn menywod a phlant yn drosedd —

Trais yn y cartref
Treisio ac ymosod rhywiol
Priodas orfod
Trais ar sail 'anrhydedd'
Cam-drin plant
Cam-drin yr henoed
Y fasnach bobl
Puteindra
Llurgunio organau
rhywiol merched



Llinell Gymorth Radffon 24 awr National Domestic Violence: 0808 2000 247
Llinell ffôn RESPECT i gyflawnwyr trais: 0845 122 8609



Erlyn troseddau casineb ar eich rhan

I ni, digwyddiad wedi'i ysgogi gan hil neu grefydd yw:

Unrhyw ddigwyddiad y mae'r dioddefwr neu unrhyw un arall yn ei ystyried yn ddigwyddiad wedi'i ysgogi gan hil neu grefydd.

Mae trosedd yn un dwysach hiliol neu grefyddol:

- os yw'r troseddwr, adeg cyflawni'r trosedd, neu'n union cyn neu ar ôl gwneud hynny, yn arddangos gelyniaeth tuag at dioddefwr y trosedd ar sail aelodaeth y dioddefwr (neu dybiaeth ei fod ef neu hi'n aelod) o grŵp hiliol neu grefyddol; neu
- os yw'r trosedd wedi'i ysgogi (yn llwyr neu'n rhannol) gan elyniaeth tuag at aelodau o grŵp hiliol neu grefyddol ar sail eu haelodaeth o'r grŵp hwnnw.

Gyda rhai troseddau, gan gynnwys ymosod, aflonyddu, difrod troseddol a throseddau trefn gyhoeddus, gellir eu herlyn yn benodol fel troseddau dwysach hiliol neu grefyddol.

Gydag unrhyw drosedd arall ble ceir tystiolaeth o weithgarwch dwysach hiliol neu grefyddol, mae'r diffynnydd yn wynebu dedfryd lymach na phetai ef neu hi wedi'i gael yn euog o drosedd nad yw'n hiliol neu'n grefyddol.

Eich helpu chi deimlo'n ddiogel



I ni, digwyddiad homoffobig yw:

Unrhyw ddigwyddiad y mae'r dioddefwr neu unrhyw un arall (gan gynnwys y troseddwr) yn ei ystyried yn ddigwyddiad homoffobig neu drawsffobig.

Rydym yn ystyried troseddau homoffobig yn arbennig o ddifrifol oherwydd eu bod yn tanseilio hawl pobl i deimlo'n ddiogel ynghylch eu tueddfryd rhywiol a bod yn ddiogel beth bynnag fo'r tueddfryd hwnnw.

Mae troseddau o'r fath wedi'u seilio ar ragfarn, gwahaniaethu a chasineb, ac nid oes lle iddynt mewn cymdeithas agored a democrataidd.

Rydym yn ystyried yr elfen homoffobig mewn unrhyw drosedd yn nodweddiadol ddirifol. Rydym yn benderfynol o chwarae ein rhan i ostwng troseddu a dod â throseddwr gerbron llys.

Cafodd polisi troseddau homoffobig y CPS ei gyflwyno yn 2004. Ers hynny, fe gafodd cyfreithyddion yn CPS Gwent eu hyfforddi i wneud i bobl ddeall mwy am faterion perthnasol a bod yn fwy ymwybodol ohonynt. Fe gafodd cyfreithyddion arbenigol eu penodi hefyd er mwyn sicrhau bod troseddau ag elfen homoffobig yn cael eu herlyn yn unol â'r polisi.

Gwybodaeth am y rhanbarth

Gweledigaeth y CPS yw bod yn "awdurdod erlyn annibynnol, o safon fyd-eang, wrth galon y gyfundrefn cyfiawnder troseddol, yn darparu gwasanaeth cyhoeddus gwerthfawr sy'n bodloni anghenion dioddefwyr a chymunedau, gan wneud gwir wahaniaeth i fywydau pobl leol a helpu i adeiladu cymdeithas fwy gweddus a diogel". I'r perwyl hwn, bydd CPS Gwent yn gweithio'n agos â phartneriaid mewn asiantaethau cyfiawnder troseddol (ACT) eraill a grwpiau cymunedol i sicrhau ein bod yn ymateb i anghenion y gymuned a wasanaethwn.

Ar hyn o bryd mae ein prif swyddfa yng Nghasnewydd, ond mae gennym dîm o gyfreithyddion a gweinyddwyr hefyd yn gweithio yng Ngorsaf Ganolog yr Heddlu yng Nghasnewydd. Bydd cyfreithyddion CPS Gwent yn erlyn achosion yn y Llysoedd Ynadon yng Nghasnewydd, Cwmbrân, Caerffili, Coed-duon, Abertyleri a'r Fenni. Bydd erlynwyr y CPS hefyd yn mynd i orsafoedd yr heddlu yng Nghasnewydd ac Ystrad Mynach i roi arweiniad a chynghor cyn i berson gael ei gyhuddo o gyflawni trosedd. Bydd yr achosion mwyaf difrifol yn cael eu traddodi i Lys y Goron yng Nghasnewydd a Chaerdydd. Mae llawer o'r cyfreithyddion yn CPS Gwent â Hawl Uwch i Ymddangos sy'n golygu eu bod yn cael erlyn y troseddau mwy difrifol hynny yn Llys y Goron.

Mae cyfreithyddion yn CPS Gwent wedi derbyn hyfforddiant arbenigol mewn rhai agweddau o'u gwaith, er enghraifft erlyn achosion o dreisio, cam-drin plant, trais yn y cartref, troseddau casineb ac ymddygiad gwrthgymdeithasol. Mae hyn yn sicrhau ein bod yn gallu darparu cyngor ac arbenigedd gwell i'r heddlu a bod achosion yn cael eu herlyn yn effeithiol.

Gwasanaeth Erlyn y Goron yng Ngwent a

CHI

...gweithio gyda'n cymuned



Abaty Tyndyrn: defnyddir y llun drwy garedigrwydd Cadw: Henebion Cymru. Hawffraint y Goron.



